

四庫全書

史部

欽定四庫全書

明會典卷八十六

禮部四十五

祭祀七

合祀神祇二

諸司職掌

一天下府州縣合祭風雲雷雨山川社稷城隍孔子及
無祀鬼神等有司務要每歲依期致祭

其壇壝廟宇制
度牲醴祭器體

式具載洪
武禮制

洪武禮制

祭祀儀式

社稷

府州
縣同

壇制東西二丈五尺南北二丈五尺高三尺

俱用營
造尺

四

出陛各三級壇下前十二又或九丈五尺東西南各五

丈繚以周牆四門紅油北門入

石主長二尺五寸方一尺埋於壇南正中去壇二尺五

寸止露圓尖餘埋土中

神號

各布政司寓治之所雖係布政司官致祭亦合稱府社府稷

府稱府社之神府稷之神

州稱州社之神州稷之神

縣稱縣社之神縣稷之神

神牌二以木為之硃漆青字身高二尺二寸闊四寸五

分厚九分座高四寸五分闊八寸五分厚四寸五分

祭臨

設于壇上以矮卓盛類祭畢藏之

房屋神厨三間用過梁通連

深二丈四尺中一間闊一丈五尺九寸傍兩間每一

間闊一丈二尺五寸

鍋五口

每口二尺五寸

庫房間架與神厨同

內用壁不通連

宰牲房三間

深二丈二尺五寸三分傍二間各闊一丈于中

一間正中鑿宰牲小池長七尺深二尺闊三尺磚砌四面安頓木案于上宰牲血水聚于池內祭畢擔去仍用蓋房門用鎖宰牲房前舊有小池者仍舊制不必更改無者不必鑿池止於井內取水

滌牲桶四隻

寬大可容牲

祝板

以木為之白紙寫文
帖其上祭畢焚之

祝文

維洪武年歲次某月朔日某官某等敢昭告于某社之神某稷之神曰品物資生烝民乃粒養育之功司土是

賴維茲仲

春秋

禮宜

告報

祀謹以牲帛醴齊粢盛庶品式陳

明薦尚享

祭器

牲匣四以木為之硃漆底蓋各高六寸長二尺三寸闊

二尺二寸蓋兩頭用銅環二箇底兩傍用銅環四箇

案卓

神牌案二高一尺一寸闊一尺九寸長三尺三寸

籩豆簋簠案四高一尺一寸闊一尺九寸長二尺三寸
牲匣案四高六寸闊二尺四寸長三尺五寸

祝案一高一尺一寸闊一尺九寸長三尺

三寸

酒尊案一高二尺七寸五分闊一尺五寸長五尺卓面
剡三孔仍用木板一片橫裝於剡孔之下以盛酒尊

爵帛案一高二尺七寸五分闊二尺三寸長三寸

籩豆簋簠俱用瓷櫟

簋簠櫟稍大

酒尊三用瓷尊每尊用蓋布巾一酌酒杓一

爵六用瓷爵

鉶一用瓷碗

香爐二

設于壇之左右

盥洗

尊一用瓷甕 酌水杓一

盆一錫銅瓷隨用 帨布一

案一高二尺七寸五分闊二尺三寸長三尺

祭物

羊一 豕一 帛一

黑色長一丈八尺

鉶一

盛和羹

籩四 棗 栗 鹽 藁魚

豆四

韭菹

醯醢

猪肉鮮

菁菹

鹿醢

或用鹿兔

簋二 黍 稷

簋二 稻 粱

祭期每歲仲春仲秋土戊日

獻官各布政司及府州縣凡遇祭祀隨處但長官一員
行三獻禮餘官止陪祭武官並不預祭

儀注

齋戒

正祭前三日獻官并陪祭官執事人等沐浴更衣散齋
二日各宿別室致齋一日同宿祭所散齋仍理事務惟
不飲酒不食葱韭蒜薤不弔喪問疾不聽樂不行刑不

判署刑殺文字不預穢惡事致齋惟理祭事

省牲

正祭前一日執事者設香案于宰牲房外贊引引獻官
常服詣省牲所贊省牲執事者牽牲從香案前過贊引
贊省牲畢遂烹牲以毛血少許盛于盤其餘毛血以淨
器盛貯祭畢埋之

其牲湏要連
皮者熟供祭

陳設

前期執事掃除壇之上下并設獻官幕次于中門外執

事者依圖式陳設

正祭

其日清晨執事者各實籩豆酒尊等器并滌爵

臨祭獻官免滌

獻官具祭服簽祝板于幕次執事者置祝于案置帛于
篚取毛血盤置神位前牲案下將行禮執事者以牲匣
盛牲置于案未啟蓋通贊唱執事者各就位唱陪祭官
各就位唱獻官就位贊引引獻官入就位通贊唱瘞毛
血執事者以毛血瘞于坎遂啟牲匣蓋

迎神

通贊唱迎神鞠躬拜興拜興拜興拜興平身獻官陪祭
皆四拜興平身

奠帛行初獻禮

通贊唱奠帛行初獻禮捧帛者捧帛執爵者執爵以俟
贊禮唱詣盥洗所引禮引獻官至盥洗所贊搢笏執事
酌水進巾獻官盥手悅手訖

盥手悅手不贊

贊出笏獻官出笏

贊詣酒尊所贊司尊者舉冪酌酒執事者各以爵受酒

贊詣某社神位前引獻官詣神位前贊跪搢笏獻官跪
搢笏捧帛者跪進于獻官之右獻官受帛獻帛以帛授
執事者奠于案執爵者進于獻官之右獻官受爵贊獻
爵獻官獻爵以爵授執事者奠于神位前

凡進帛進爵
皆在獻官之

右奠帛奠爵
皆在獻官之左

贊出笏獻官出笏贊俯伏興平身獻官俯

伏興平身贊詣某稷神位前

同上儀

贊詣讀祝位獻官詣

讀祝位贊跪獻官跪贊讀祝讀祝者取祝跪讀于獻官
之左畢興置祝于案贊俯伏興平身獻官俯伏興平身

贊復位獻官復位

亞獻

通贊唱行亞獻禮贊引引獻官詣酒尊所贊司尊者舉
罍酌酒執事者各以爵受酒贊詣某社神位前引獻官
詣神位前贊跪搯笏獻官跪搯笏執爵者跪進于獻官
之右獻官受爵贊獻爵獻官獻爵以爵授執事者奠于
神位前贊出笏獻官出笏贊俯伏興平身贊詣某稷神
位前同上儀贊俯伏興平身獻官俯伏興平身贊復位獻

官復位

終獻

同亞獻儀

飲福受胙

通贊唱飲福受胙執事者設飲福位于壇之中稍北執事者先於社神前取羊一脚置于盤執事者于酒尊所酌酒一爵立俟于飲福位之右贊引獻官詣飲福位贊跪搢笏獻官跪搢笏執事者以爵跪進于獻官之右獻

官受爵贊飲福酒獻官飲訖以虛爵授執事者執事者跪受爵于獻官之左以退贊受胙執事者以胙跪進于獻官之右獻官受胙以胙授執事者執事者跪受于獻官之左捧由中道出贊出笏獻官出笏贊俯伏興平身獻官俯伏興平身贊復位通贊兩拜獻官陪祭官皆兩拜

徹饌

通贊唱徹饌執事者各詣神位前以籩豆稍移動

送神

通贊唱送神贊鞠躬拜興拜興拜興拜興平身獻官陪
祭官皆四拜興平身

望瘞

通贊唱讀祝官捧祝進帛官捧帛各詣瘞所獻官陪祭
官移身分東西立俟捧帛祝者由中道過獻官拜位通
贊唱望瘞贊引贊詣望瘞位引獻官至望瘞位執事者
以祝帛焚于坎中將畢以土實坎贊引通贊同唱禮畢

風雲雷雨山川城隍之神

凡各布政司府州縣春秋仲月上旬擇日同壇祭設三

神位風雲雷雨居中山川居左城隍居右

若府州縣則稱某府某州

某縣境內山川之神某府某州某縣城隍之神

風雲雷雨帛四山川帛二城隍

帛一俱白色附郭府州縣官止隨班行禮不必別祭其

祭物祭器獻官及齋戒省牲陳設正祭迎神

並與社稷禮同

但臨祭時執事者先以毛血瘞于坎

通贊不唱瘞毛血

奠帛初

獻先詣風雲雷雨神位前次詣山川神位前次詣城隍

神位前次詣讀祝所亞獻終獻同初獻

不唱奠帛讀祝

飲福受

胙其胙于風雲雷雨神位前取羊一脚徹饌送神望燎

亦同社稷儀但改瘞字為燎字

祝文

維洪武年月日某官某等敢昭告于風雲雷雨之神某

府州縣境內山川之神某府州縣城隍之神曰惟神妙

用神機生育萬物奠我民居足我民食某等欽承上命

職守方面布政司用
泰職茲土府州縣用

今當仲

春秋

謹具牲醴庶品用仲常

祭尚享

嶽鎮海瀆帝王陵廟

凡五嶽五鎮四海四瀆及帝王陵廟已有取勘定擬致

祭去處所在官司以春秋仲月上旬擇日致祭

近布政司者布

政司官致祭近府州縣者府州縣官致祭各用帛一五嶽五鎮四海各隨方

色四瀆用黑色帝王陵廟用白色其牲物祭器儀注並

與社稷同

但獻官奠爵訖就讀祝惟瘞毛血惟燎與祭風雲雷雨等神同其四海四瀆祝帛俱沉水

中毛血仍瘞之

祝文

五嶽

如東岳則稱曰東岳泰山之神西岳華山南岳衡山北岳恒山中岳嵩山皆倣此

惟神靈

峙方嶽鍾秀厚祇主司生民其功允大時維仲

春秋

謹具

牲醴庶品用伸常祭尚享

五鎮

如東鎮則稱東鎮沂山之神南鎮會稽西鎮吳山北鎮醫巫閭中鎮霍山皆倣此

惟神鍾

秀崇高一方巨鎮封表有年功著民社時維仲

春秋

謹具

牲醴庶品用伸常祭尚享

四海

如東海則稱東海之神西海南海北海皆倣此

惟神靈鍾坎德萬水所宗

功利深廣溥濟斯民時維仲

春秋

謹具牲醴庶品用伸常

祭尚享

四瀆

如淮瀆則稱東瀆大淮之神西瀆大河南瀆大江北瀆大濟皆倣此

惟神鍾德靈長

發源成溪潤澤所加溥利民物時維仲

春秋

謹具牲醴庶

品用伸常祭尚享

事例

洪武元年命中書省令郡縣訪求應祀神祇名山大川
聖帝明王忠臣烈士凡有功於國家及惠愛在民者具

實以聞著於祀典令有司歲時致祭 二年令祀典神祇有司依時致祭其不在祀典而嘗有功德于民事蹟昭著者雖不致祭其祠宇禁人毀撤 六年定天下十二省山川皆各省自祭舊合祭京師及四夷山川悉罷之各城隍之神祭日春用三月三日秋用九月九日

七年本部奏定天下府州縣社稷之祭正配位各用羊一豕一 令本部頒祭嶽鎮海瀆儀于所在有司其祭各用羊一豕一帛一隨其方色遵豆簠簋皆四鉶一爵

三尊三祭期春二月秋八月上旬擇日 九年令在外
百司祭祀初獻亞獻終獻宜以品級尊卑為序 十一
年令在外府州縣祭祀典神祇中祀俱用幣小祀只用
牲醴 十四年令在外祭山川等神以文職長官一員
行禮武官不預如軍民指揮使司則從本司行之 二
十九年令在外未入流官陪祭俱用祭服 宣德八年
定新官到任以羊豕各一總祀應祀神祇于城隍廟
正統二年令應天府建社稷壇春秋祈報以守臣行事

明會典卷八十六

欽定四庫全書

明會典卷八十七

禮部四十六

祭祀八

合祀神祇三

洪武禮制

凡各處守禦官俱于公廨後築臺立旗纛廟設軍牙六
纛神位春祭用驚蟄日秋祭用霜降日祭物用羊一豕

一帛一白色祝一香燭酒果先期各官齋戒一日至日
守禦長官武服行三獻禮若出師則取旗纛以祭班師
則仍置于廟儀注與社稷同

但瘞毛血望燎與
風雲雷雨等神同

祭文

惟神正直無私指揮軍士助揚威武皆仗神功某等欽
承上命守禦茲土惟茲仲春謹以牲醴庶品用伸常祭
尚享

以上各項祭祀壇廟宰牲房屋牲帛日期並依已定制

度合用牲匣籩豆簠簋尊爵盥洗等器並如社稷壇樣
制成造但案卓用高卓

祭厲

洪武禮制

凡各府州縣每歲春清明日秋七月十五日冬十月一
日祭無祀鬼神其壇設于城北郊間府州名郡厲縣名
邑厲祭物牲用羊三豕三飯米三石香燭酒紙隨用

儀注

先期三日主祭官齋沐更衣

用常服

備香燭酒果詣本處

城隍發告文通贊者贊鞠躬拜興拜興平身詣神位前跪進爵獻爵奠爵俯伏興平身復位鞠躬拜興拜興平身焚告文禮畢至日設城隍位于壇上祭物用羊一豕

一設無祀鬼神于壇下左右

如府則曰本府境內無祀鬼神

祭物用羊

二豕二解置于器同羹飯等鋪設各鬼神位前執事者陳設畢通贊者唱執事者各就位陪祭官各就位主祭官就位鞠躬拜興拜興拜興平身詣神位前跪三

獻酒俯伏興平身復位讀祭文訖鞠躬拜興拜興拜興
拜興平身以祭文同紙焚訖贊禮畢

祭文

維洪武年月日某府官某遵承禮部劄付為祭祀本府
闔境無祀鬼神等衆事該欽奉皇帝聖旨普天之下后
土之上無不有人無不有鬼神人鬼之道幽明雖殊其
理則一故天下之廣兆民之衆必立君以主之君總其
大又設官分職于府州縣以各長之各府州縣又於每

一百戶內設一里長以綱領之上下之職綱紀不紊此
治人之法如此天子祭天地神祇及天下山川王國各
府州縣祭境內山川及祀典神祇庶民祭其祖先及里
社土穀之神上下之禮各有等第此事神之道如此尚
念冥冥之中無祀鬼神昔為生民未知何故而沒其間
有遭兵刀而橫傷者有死於水火盜賊者有被人取財
而逼死者有被人強奪妻妾而死者有遭刑禍而負屈
死者有天災流行而疫死者有為猛獸毒虫所害者有

為饑餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等鬼魂或終于前代或沒于近世或兵戈擾攘流移于他鄉或人烟斷絕久缺其祭祀姓名泯沒于一時祀典無聞而不載此等孤魂死無所依精魄未散結為陰靈或倚草附木或作為妖怪悲號于星月之下呻吟于風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘悽故勅天下有司依

時享祭在京都有泰厲之祭在王國有國厲之祭在各
府州有郡厲之祭在各縣有邑厲之祭在一里又各有
鄉厲之祭期于神依人而血食人敬神而知禮仍命本處
城隍以主此祭欽奉如此今某等不敢有違謹設壇于
城北以三月清明日七月十五日十月一日置備牲醴羹飯專祭本府閭
境無祀鬼神等衆靈其不昧永享此祭凡我一府境內
人民儻有忤逆不孝不敬六親者有姦盜詐偽不畏公
法者有拗曲作直欺壓良善者有躲避差徭靠損貧戶

者似此頑惡奸邪不良之徒神必報于城隍發露其事
使遭官府輕則笞決杖斷不得號為良民重則徒流絞
斬不得生還鄉里若事未發露必遭陰譴使舉家並染
瘟疫六畜田蠶不利如有孝順父母和睦親族畏惧官
府遵守禮法不作非為良善正直之人神必達之城隍
陰加護佑使其家道安和農事順序父母妻子保守鄉
里我等闔府官吏等如有上欺朝廷下枉良善貪財作
弊蠹政害民者靈必無私一體昭報如此則鬼神有鑒

察之明官府非諂諛之祭尚享

告城隍文

某府遵承禮部劄付為祭祀本府無祀鬼神該欽奉皇帝聖旨普天之下后土之上無不有人無不有鬼神人鬼之道幽明雖殊其理則一今國家治民事神已有定制尚念冥冥之中無祀鬼神昔為生民未知何故而沒其間有遭兵刀而橫傷者有死于水火盜賊者有被人取財而逼死者有被人強奪妻妾而死者有遭刑禍而

負屈死者有天災流行而疫死者有為猛獸毒虫所害者有為饑餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等鬼魂或終于前代或沒于近世或兵戈擾攘流移于他鄉或人烟斷絕久缺其祭祀姓名泯沒于一時祀典無聞而不載此等孤魂死無所依精魄未散結為陰靈或倚草附木或作為妖怪悲號于星月之下呻吟于風雨之時凡遇人間節令心思陽世魂杳杳以無歸身墮

沉淪意懸懸而望祭興言及此憐其慘悽故勅天下有
司依時享祭命本處城隍以主此祭鎮控壇場鑒察諸
鬼等類其中果有生為良善誤遭刑禍死于無辜者神
當達於所司使之還生中國永享太平之福如有素為
亮頑身死刑憲雖獲善終亦出僥倖者神當達于所司
屏之四裔善惡之報神必無私欽奉如此今某等不敢
有違謹於年月日于城北設壇置備牲酒羹飯享祭本
府無祀鬼神等衆然幽明異境人力難為必資神力庶

得感通今特移文于神先期分遣諸將召集本府闔境
鬼靈等衆至日悉赴壇所普享一祭神當欽承勅命鎮
控壇場鑒察善惡無私昭報為此合行移牒請照驗欽
依施行

里社

洪武禮制

凡各處鄉村人民每里一百戶內立壇一所祀五土五
穀之神專為祈禱雨暘時若五穀豐登每歲一戶輪當

會首常川潔淨壇場遇春秋二社預期率辦祭物至日約聚祭祀其祭用一羊一豕酒果香燭隨用祭畢就行會飲會中先令一人讀抑強扶弱之誓其詞曰凡我同里之人各遵守禮法毋恃力凌弱違者先共制之然後經官或貧無可贍周給其家三年不立不使與會其婚姻喪葬有乏隨力相助如不從衆及犯姦盜詐偽一切非為之人並不許入會讀誓詞畢長幼以次就坐盡歡而退務在恭敬神明和睦鄉里以厚風俗

儀注

前祭一日會首及預祭之人各齋戒一日會首先遣執事人掃除壇所為瘞坎于壇所之西北方深取足容物會首洗滌廚房鑊器以淨室為饌所至晚宰牲執事者以磬取毛血與祭器俱寘于饌所

祭器俱用
甕瓦器

祭日未明

執事者于厨中烹牲設五土五穀神位于壇上五土居東五穀居西設讀祝所于壇上居中間設會首拜位于壇下俱南向設預祭人位於其後設引禮及諸執事人

位又於其後執事者于饌所實祭物于磔內解牲體置
于二俎置酒于尊書祝文于紙祭物既備執事者各捧
設于神位前燃香明燭自會首以下各服常服盥手入
就拜位立定執事者執壺于尊中取酒立于五土神位
之左引禮者唱鞠躬拜興拜興平身會首以下皆鞠躬
拜興拜興平身執事者取毛血瘞于坎中引禮引會首
詣五土神位前唱跪會首詣五土神位前跪舉盃執壺
者斟酒引禮唱三祭酒會首三祭酒訖引禮唱俯伏興

平身執壺者詣五穀神位之左引禮引會首詣五穀神位前唱跪會首詣五穀神位前跪舉盃執壺者斟酒引禮唱三祭酒會首三祭酒訖引禮唱俯伏興平身會首俯伏興平身引禮唱就讀祝位讀祝者取祝立于讀祝位之左會首詣讀祝所引禮唱跪會首跪唱讀祝讀祝者跪讀祝訖興置祝于案引禮唱俯伏興平身會首俯伏興平身引禮唱復位會首復位引禮唱鞠躬拜興拜興平身會首以下皆鞠躬拜興拜興平身執事者徹祭

物讀祝者取祭文焚瘞于坎所禮畢行會飲讀誓文禮

祝文

維洪武年月日某府某州某縣某鄉某里某人等謹致祭于五土之神五穀之神曰惟神叅贊造化發育萬物

凡我庶民悉賴生植時維仲

春東作方興秋歲事有成

謹具牲醴恭

伸

祈告報祭

伏願雨暘時若五穀豐登官賦足供民食充裕

神其鑒知尚享

鄉厲

洪武禮制

凡各鄉村每一里戶內立壇一所祭無無祀鬼神專祈
禱民庶安康孳畜蕃盛每歲三祭春清明秋七月十五
日冬十月一日祭物牲酒隨鄉俗置辦其輪流會首及
祭畢會飲讀誓等儀與祭里社同

祭文

某縣某鄉某村某里某社里長某人承本縣官裁旨該
欽奉皇帝聖旨普天之下后土之上無不有人無不有

鬼神人鬼之道幽明雖殊其理則一故天下之廣兆民之衆必立君以主之君總其大又設官分職於府州縣以各長之各府州縣又於每一百戶內設一里長以綱領之上下之職綱紀不紊此治人之法如此天子祭天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔為生民未知何故而沒其間有遭兵刀而橫傷者有死

於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有為猛虎毒虫所害者有為飢餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等鬼魂或終于前代或沒于近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魄未散結為陰靈或倚草附木或作為妖怪悲號

於星月之下呻吟於風雨之時凡遇人間節令心思陽
世魂杳杳以無歸身墮沉淪意懸懸而望祭興言及此
憐其慘悽故勅天下有司依時享祭在京都有泰厲之
祭在王國有國厲之祭在各府州有郡厲之祭在各縣
有邑厲之祭在一里又各有鄉厲之祭期於神依人而
血食人敬神而知禮仍命本處城隍以主此祭欽奉如
此今某等不敢有違謹設壇于本里以三月清明日七
月十五日十月
日一率領某人等百家聯名於此置備羹飯肴物祭于里

里無祀鬼神等衆靈其不昧依期來享凡我一里之中
百家之內倘有忤逆不孝不敬六親者有姦盜詐偽不
畏公法者有拗曲作直欺壓良善者有躲避差徭靠損
貧戶者似此頑惡奸邪不良之徒神必報於城隍發露
其事使遭官府輕則笞決杖斷不得號為良民重則徒
流絞斬不得生還鄉里若事未發露必遭陰遣使舉家
並染瘟疫六畜田蚕不利如有孝順父母和睦親族畏
懼官府遵守禮法不作非為良善正直之人神必達之

城隍陰加護佑使其家道安和農事順序父母妻子保
守鄉里如此則鬼神有鑒察之明我民無諂諛之祭靈
其無私永垂昭格尚享

祭告城隍文

某府某縣某鄉某村某里里長某人率領某里人民某
人等聯名謹具狀告于本縣城隍之神今來某等承奉
縣官裁旨遵依上司所行為祭祀本鄉無祀鬼神事該
欽奉皇帝聖旨普天之下后土之上無不有人無不有

鬼神人鬼之道幽明雖殊其理則一今國家治民事神
已有定制尚念冥冥之中有等不在祀典之神不得血
食之鬼魂無所依私顯靈怪悲號于星月之下呻吟于
風雨之時憐其慘悽故勅天下有司依時享祭鄉村里
社一年三祭仍命禮請本處城隍以主此祭鎮控壇場
鑒察諸鬼等類其中果有生為良善誤遭刑禍死於無
辜者神必達于所司使之還生中國來享太平之福如
有生為兇惡身死刑憲雖獲善終出於僥倖者神必屏

金方田月令卷之十七
卷八十七
之四裔善惡之報神必無私欽奉如此今某等不敢有
違欽依於某年某月某日就本里設壇謹備羹飯肴物
祭享于本鄉無祀鬼神等衆然幽明異境人力難為必
資神力庶得感通今特虔誠告于神先期分遣諸將遍
歷所在招集本里鬼靈等衆至日悉赴壇所受祭神當
欽奉勅命鎮控壇場鑒察善惡無私昭報為此謹具狀
告本縣城隍之神俯垂昭鑒謹狀

犧牲

諸司職掌

一凡祭祀所用牲醴脯醢等物必須預備看養臨期依數供辦不可有缺

事例

洪武初立神牲所設官二人牧養神牲祀前三月付廩犧令滌治如法其中祀滌三十日小祀滌十日者亦如之後改立犧牲所設武職并軍人專管牧養其各壇合用犧牲俱有定數具太常寺職掌 六年本部奏准郊

廟犧牲已在滌者或有傷則出之死則埋之其有疾者亦養於別所待其肥腠以備小祀中祀之用若未及滌或有疾傷者歸所司別用 景泰四年令本部鑄造牲字牢字火烙各一會同禮部御史印記各處解到大祀牛羊 弘治三年令稅課司抽分祭祀猪隻自今依時價折收銀一千兩按季送太倉銀庫每歲委官支出會同御史照依時估收買純全猪胚送犧牲所喂養陸續供祀

明會典卷八十七

欽定四庫全書

明會典卷八十八

禮部四十七

祭祀九

品官家廟

國朝品官廟制未定于是權倣朱子祠堂之制奉高曾祖禰四世之主亦以四仲之月祭之又加臘日忌日之祭與夫歲時俗節之薦享至若庶人得奉其祖父母父

母之祀已有著令而其時享于寢之禮大略同于品官
焉

祠堂制度

祠堂三間外為中門中門外為兩階皆三級東曰阼階
西曰西階階下隨地廣狹以屋覆之令可容家衆叙立
又為遺書衣物祭器庫及神厨于其東繚以周垣別為
外門常加扃閉祠堂之內以近北一架為四龕每龕內
置一卓高祖居西曾祖次之祖次之父次之神主皆藏

于櫝中置于卓上南面龕外各垂小簾簾外設香卓于堂中置香爐香合于其上兩階之間又設香卓亦如之若家貧地狹則止為一間不立廚庫而東西壁下置立兩櫃西藏遺書衣物東藏祭器亦可地狹則于廳事之東亦可

品官享家廟儀

時日

凡四時之祭用仲月並於孟月下旬之首擇仲月

三旬各一日或丁或亥主祭盛服率兄弟子孫立于祠堂階下北面置卓子于主祭之前設香爐香合環琬于其上主祭以下皆再拜訖主祭焚香薰琬祝曰某將以來月上旬某日祇薦歲事于祖考即以琬擲于地以一俯一仰為吉不吉更卜中旬之日又不吉則不復卜而直用下旬之日既得日乃復位再拜而退若臘日忌日俗節之薦享則不必卜

齋戒

前期三日主祭率衆大夫致齋于外主婦率衆婦女致齋于內沐浴更衣飲酒不得至亂食肉不得茹葷不弔喪不聽樂凡凶穢之事皆不得預

陳設

前一日主祭帥子弟及執事灑掃正寢洗拭椅卓務令蠲潔設高祖考妣位于堂西北壁下南向考西妣東各用一椅一卓而合之曾祖考妣祖考妣考妣以次而東

皆如高祖之位世各為位不相連屬別設旁親無後及
卑幼先亡者祔食位于東西壁下凡伯叔祖考妣伯叔
考妣兄弟嫂妻弟婦子姪子姪婦之屬皆右男子左婦
女東西相向以北為上

凡屋不問何向但以前為南後為北左為東右為西

設香

案于堂中置香爐香合于其上束茅聚沙于香案前及
逐位前地上設酒案于東階上別置卓子于其東設酒
注一酌酒盞一鹽櫟醋瓶于其上火爐湯瓶香匙火筴
于西階上別置卓子于其西設祝版于其上設盥盆悅

巾各二于阼階下之東又設陳饌大床于其東

省饌

前一日主祭率衆大夫省牲涖殺主婦帥衆婦女滌濯祭器潔釜鼎具祭饌每位果六品菜蔬及脯醢各三品肉魚饅頭糕各一盤羹飯各一椀肝各一串肉各一串務令精潔未祭之前勿令人先食及為猫犬虫鼠所污

行事

祭之日質明主祭以下各具服主祭者見居官則唐帽

束帶婦人曾受封者則花釵翟衣士人未為官者則幅巾深衣庶人則巾衫結條婦人大襖長裙首飾如制主祭以下具服訖盥手帨手詣正寢神位前設蔬果酒饌設果櫟於卓子上南端蔬果脯醢相間次之設盞枰醋櫟於北端盞西磔東匙筯居中設酒瓶于架上熾炭于爐主婦炊煖祭饌皆令極熱以合盛出置東階下大牀上次詣祠堂前階下序立主祭位于東兄弟以下位于主祭之東少退子孫及外執事者以次重行列于主祭

之後主婦位在西弟婦姊妹位于主婦之西少退女子
子婦及內執事者亦以次重行列于主婦之後皆北向
其有伯叔父母位次並居主祭主婦位稍前主祭有母
則特位于主婦之前叙立訖主祭升自阼階焚香告曰
孝孫某今以仲春之月夏秋
冬同有事於顯高祖考某官府
君顯高祖妣某封某氏顯曾祖考某官府君顯曾祖妣
某封某氏顯祖考某官府君顯祖妣某封某氏顯考某
官府君顯妣某封某氏以某親某官府君某親某封某

氏祔食敢請神主出就正寢恭伸奠獻告訖斂櫝正位
祔位各置一筭各以執事者一人捧之主祭前導主婦
以下皆從至正寢置于西階卓子上主祭啓櫝奉諸考
神主出就位主婦奉諸妣神主就位其祔位則各用子
弟一人奉之既畢主祭以下皆降復位

參神

主祭以下叙立如祠堂之儀立定俱拜若尊長老疾者
則休于它所

降神

主祭升詣香案前焚香少退立執事者一人實酒于注
一人取東階卓子上盤盞立于主祭之左一人執注立
于主祭之右主祭跪捧盤盞者亦跪進盤盞主祭受之
執注者亦跪斟酒于盞主祭者左手執盤右手執盞灌于茅上以盤
盞授執事者俯伏興再拜降復位

進饌

主祭升主婦從之執事者

一人以盤奉魚肉一人以盤奉米麴食一人以盤奉羹飯

從升至高祖位前主祭奉肉奠于盤盞之南主婦奉麭
食奠于肉西主祭奉魚奠于醋櫟之南主婦奉米食奠
于魚東主祭奉羹奠于醋櫟之東主婦奉飯奠于盤盞
之西以次設諸正位使諸子弟婦女各設祔位皆畢主
祭以下皆降復位

酌獻

主祭升詣高祖位前執事者一人執酒注立于其右冬
月即先煖之主祭奉高祖考盤盞位前東向立執事者

西向斟酒于盞主祭奉之奠于故處次奉高祖妣盤盞亦如之奠訖位前北向立執事者二人舉高祖考妣盤盞立于主祭之左右主祭跪執事者亦跪主祭受高祖考盤盞右手取盞祭之茅上以盤盞授執事者反之故處受高祖妣盤盞亦如之俛伏興少退立執事者炙肝于爐以楪盛之兄弟之長一人奉之奠于高祖考妣前匙筯之南祝取版立于主祭之左跪讀曰某年某月某朔某日孝玄孫某官某敢昭告于顯高祖考某官府君

顯高祖妣某封某氏氣序流易時維仲春追感歲時不勝永慕敢以潔牲柔毛粢盛醴齊祗薦歲事以某親某官府君某親某封某氏祔食尚享畢興主祭再拜退詣諸位獻祝如初每逐位讀祝畢即兄弟衆男之不為亞終獻者以次分詣本位所祔之位酌獻如儀但不讀祝獻畢皆降復位執事者以它器撤酒及肝置盞于故處曾祖前稱孝曾孫祖前稱孝孫考前稱孝子改不勝永慕為昊天罔極凡祔者伯叔祖父祔于高祖伯叔父祔

于曾祖兄弟祔于祖子孫祔于考餘皆倣此如本位無
即不言以某親祔食亞獻則主婦為之諸婦女奉炙肉
及分獻如初獻儀但不讀祝終獻則兄弟之長或長男
或親賓為之衆子弟奉炙肉及分獻如亞獻儀

脩食

主祭升執注就斟諸位之酒皆滿立于香案之東南主
婦升扱匙飯中西柄正筯立于香案之西南皆北向再
拜降復位

闔門

主祭以下皆出祝闔門無門處即降簾可也主祭立于門東西向衆丈夫在其後主婦立於門西東向衆婦女在其後如有尊長則少休于它所此所謂厭也

啓門

祝聲三噫散乃啓門主祭以下皆入其尊長先休于它所者亦入就位主祭主婦奉茶分進于考妣之前祔位使諸子弟婦女進之

受胙

執事者設席于香案前主祭就席北面祝詣高祖考前
舉酒盤盞詣主祭之右主祭跪祝亦跪主祭受盤盞祭
酒啐酒祝取匙并盤抄取諸位之飯各少許奉以詣主
祭之左嘏于主祭曰祖考命工祝承致多福于汝孝孫
使汝受祿于天宜稼于田眉壽永年勿替引之主祭置
酒于席前俛伏興再拜跪受飯嘗之實于左袂掛袂于
季指取酒卒飲執事者受盞自右置注旁受飯亦如之

金定四庫全書
卷八十八
主祭俛伏興立於東階上西向祝立於西階上東向告
利成降復位與在位者皆再拜主祭不拜降復位

辭神

主祭者以下皆再拜

納主

主祭者與主婦皆升各奉主納于櫝主祭以笥歛櫝奉
歸祠堂如來儀

徹

主婦還監徹酒之在盞注它器中者皆入于瓶緘封之
所謂福酒果蔬肉食並傳之燕器主婦監滌祭器而藏
之

餽

是日設席男女異處尊行自為一列南面自堂中東西
分首若止一人則當中而坐其餘以次相對分東西向
就坐行酒薦食酒饌不足則以它酒它饌益之將罷主
祭頌胙于內執事者徧及微賤其日皆盡

明會典卷八十八

欽定四庫全書

明會典卷八十九

禮部四十八

喪服

國初頒降大明令凡喪服等差多因前代之舊後更定服制著為孝慈錄復圖列于大明律今具載于後

大明令

斬衰三年

斬衰者用至粗麻布不縫下邊謂之斬衰

子為父

嫡孫為祖後者為祖

為曾高後者亦同

女在室為父

已許嫁同

女嫁反在父室為父

謂父喪期年內被出者

父為嫡子

妻為夫

妾為主

為夫之父

為人後者為所後父

過房與人做孩兒的為後父

齊衰三年

齊衰者亦用稍粗麻布縫下邊謂之齊衰

子為母

父在同

女在室為母

已許嫁同

為祖後者祖卒為祖母

為曾高後者亦同

母為長子

女嫁反在室為母

謂母喪期年內被出者

婦為夫之母

繼母與母同慈母與母同

繼母為長子

妾為主之長子

為人後者為所後母

過房與人做孫
兒的為後母

齊衰杖期

父卒母嫁及出妻之子為母

報服
亦同

為祖後者祖在為祖母

為曾高後
者亦同

父卒嫡繼慈養母歸宗為之服若改嫁從者為之服

報服

亦同

夫為妻

齊衰期年

為祖父母

父所生庶
母亦同

為伯叔父母

為兄弟

為衆子

為兄弟之子

女在
室者

為嫡孫

為姑姊妹女在室者

適人無夫
子者同

女在室者為兄弟姪

姪女在
室同

婦人無夫子者為兄弟姪

姪女及姊
妹在室同

女為祖父母

出嫁
同

妾為其子

妾為其父母

庶子為其母

謂嫡母
在室

女適人為兄弟之為父後者

為人後者為其父母

報服亦同

女適人者為父母

妾為嫡妻

為繼父之同居者

妾為主之衆子

舅姑為嫡婦

為夫親兄弟之子

男女同

齊衰五月

為曾祖父母

女為曾祖父母

出嫁同

齊哀三月

為高祖父母

女為高祖父母

出嫁同

為繼父不同居

謂先曾同居今不同居

大功九月

大功者以粗熟布長
殤九月中殤七月

為同堂兄弟

姊妹在室同

為衆孫

女在室同

為女適人者

為姑姊妹適人者

女適人為兄弟姪

姑姊妹及姪女在室者同

出母為女

為人後者為其兄弟

報服亦同

女適人者為伯叔父母

報服亦同

為人後者為其姑姊妹在室者

報服亦同

為夫之祖父母

為夫之伯叔父母

為兄弟子之父

為夫兄弟子之婦

夫為人後者其妻為本生舅姑

為眾子婦

為子之長殤中殤

男女同

為叔父之長殤中殤

為姑姊妹之長殤中殤

為兄弟之長殤中殤

為嫡孫之長殤中殤

嫡曾玄孫同

為兄弟之子長殤中殤

為夫兄弟之子長殤中殤

男女同

小功五月

小功者以稍粗熟布

為伯叔祖父母

為兄弟之孫

為兄弟之孫女在室者

為同堂伯叔父母

為同堂兄弟之子

為同堂兄弟之女在室者

為從祖姑姊妹之在室者

報服亦同

為從祖祖姑在室者

報服亦同

為再從兄弟

為外祖父母

為同堂姊妹在室者

報服亦同

為母之兄弟姊妹

報服亦同

為孫女適人者

妯娌相為服

為人後者為其姑姊妹適人者

報服亦同

為夫同堂兄弟之子

為夫兄弟之孫

為夫之姑姊妹在室者

適人同報服亦同之

為庶母慈已者

為同母異父兄弟姊妹

為嫡孫之婦

為嫡母之父母兄弟姊妹

母出為繼母之父母兄弟姊妹

為兄弟妻

報服
亦同

為男女之下殤

為叔父姑姊妹兄弟之下殤

為嫡孫之下殤

為衆孫之長殤

男同女

為兄弟之子之下殤

為同堂兄弟姊妹之下殤

為人後者為其姑姊妹兄弟之長殤

出嫁姑為姪之長殤

男同女

為夫兄弟子之下殤

男同女

為夫之叔父之長殤

總麻三月

總麻者以稍
細熟布

為族兄弟

為族曾祖父母

為兄弟之曾孫

為族祖父母

為兄弟之曾孫女之在室者

為外孫

同男女

為同堂兄弟之孫

同堂兄弟之孫女在
室同出嫁則無服

為再從兄弟之子

再從兄弟之女在室同出嫁則無服

為曾孫玄孫

為從母兄弟姊妹

為姑之子

為舅之子

為族曾祖姑在室者

報服亦同

為族姑在室者

報服同

為族祖姑在室者

報服亦同

為從祖姑姊妹適人者

報服亦同

女適人者為同堂伯叔父母

報服同

為從祖祖姑適人者

庶子為父後者為其母

為人後者為外祖父母

為兄弟之孫女適人者

報服亦同

為夫兄弟之曾孫

為夫同堂兄弟之孫

為夫再從兄弟之子

男女同

為衆孫之婦

為庶母

父之妾
有子者

為乳母

為妻之父母

報服
亦同

為夫之曾祖父母

為夫之從祖祖父母

為兄弟孫之婦

為夫之從祖父母

為夫兄弟孫之婦

為同堂兄弟子之婦

為甥之婦

為夫之外祖父母

為外孫婦

為同堂兄弟之妻

為夫之舅姨

為夫同堂兄弟子之婦

為夫之從父兄弟之妻

為夫之從姊妹在室及適人者

為姊妹之子之婦

子為父母妻妾為夫改葬

既葬除之

為從父兄弟姊妹之中殤下殤

為衆孫之中殤下殤

男女同

為從祖叔父之長殤

為從祖兄弟之長殤

為從父兄弟之子長殤

為兄弟之孫長殤

為舅姨之長殤

為從祖姑姊妹之長殤

為人後者為其兄弟之中殤下殤

出嫁姑為姪之中殤下殤

男女同

為人後者為其姑姊妹之中殤下殤

為人後者為從父母兄弟之長殤

為夫之叔父之長殤下殤

為夫之姑姊妹之長殤

准禮有三殤年十九至十六為長殤十五至十二為中殤十一至八歲為下殤長殤中殤降正服一等下殤降長殤中殤一等即生三歲至七歲者為無服之殤其已娶已嫁則服之如成人

孝慈錄

斬哀三年

子為父母

庶子為所生母

子為繼母

子為慈母

母卒父命他妻養己者

子為養母

謂自幼過房與人

女在室為父母

女嫁反在室為父母

謂已嫁被出而歸在父母家者

嫡孫為祖父母承重及曾高祖父母承重者同

父不故

嫡孫為祖承重服若父祖俱亡而子孫為曾高祖後者同

為人後者為所後父母

為人後者為所後祖父母承重

夫為人後則妻從服

婦為舅姑

即公婆

庶子之妻為夫之所生母

妻妾為夫

齊衰杖期

嫡子衆子為庶母

謂父之妾

嫡子衆子之妻為夫之庶母

為嫁母出母

即親生母因父卒改嫁及父在被出者

父卒繼母改嫁而已從之者

夫為妻

齊衰不杖期

父母為嫡長子及衆子

父母為女在室者

雖適人而無夫與子者亦同

繼母為長子及衆子

慈母為長子及衆子

孫為祖父母

女雖適人不降

為伯叔父母

即伯伯母叔叔嬭嬭

妾為夫之長子及衆子為所生子

為兄弟

為兄弟之子及兄弟之女在室者

即姪男及姪女

為姑及姊妹在室者

雖適人而無夫與子者同

妾為嫡妻

嫁母出母為其子

女在室及雖適人而無夫與子者為其兄弟及兄弟

之子

姊妹及姪女
在室者同

繼母改嫁為前夫之子從己者

為繼父同居兩無大功之親者

謂繼父無子孫叔伯
兄弟已身亦無伯叔

兄弟
之類

婦人為夫親兄弟之子

婦人為夫親兄弟之女在室者

女出嫁為父母

妾為其父母

為人後者為其父母

即本生父母

女適人為兄弟之為父後者

祖為嫡孫

父母為長子婦

齊哀五月

為曾祖父母

女雖適人不降

齊哀三月

為高祖父母

女雖適人不降

為繼父先曾同居今不同者

為繼父雖同居而兩有大功以上親者

大功

為同堂兄弟及姊妹在室者

為姑及姊妹及兄弟之女出嫁者

父母為衆子婦

為女之出嫁者

祖為衆孫

女在室同

為兄弟之子之婦

即姪婦

婦人為夫之祖父母

即夫之公婆

婦人為夫之伯叔父母

即夫之伯叔父母
叔叔嬸嬸

婦人為夫之兄弟之子婦

即姪婦

婦人為夫兄弟之女嫁人者

女出嫁為本宗伯叔父母

即伯叔父母
叔叔嬸嬸

女出嫁為本宗兄弟及兄弟之子

女出嫁為本宗姑姊妹及兄弟之女在室者

為人後者為其兄弟及姑姊妹在室者

夫為人後者其妻為夫本生父母

為兄弟之子為人後者

小功

為伯叔祖父母

謂祖之兄弟即伯公伯婆叔公叔婆

為同堂伯叔父母

謂父之伯叔兄弟

為再從兄弟及再從姊妹在室者

謂同曾祖兄弟即父伯叔兄弟之子

女

為同堂兄弟之子

即堂姪

為從祖祖姑在室者

謂祖之親姊妹即姑婆

為從祖祖姑在室者

即堂姑是父之同堂伯叔姊妹

為同堂兄弟之女在室者

即堂姪女

為兄弟之妻

為人後者為其姑姊妹適人者

為嫡孫婦

為同堂姊妹之出嫁者

為孫女適人者

為兄弟之孫及兄弟之孫女在室者

即孫姪

為外祖父母

即外公外婆

為母之兄弟姊妹

即舅舅姨姨

為同母異父之兄弟姊妹

為姊妹之子

即甥

為夫之姑及夫之姊妹在室

出嫁同

為夫之兄弟及夫兄弟之妻

為夫兄弟之孫及夫兄弟之孫女在室者

為夫同堂兄弟之子及夫同堂兄弟之女在室者

總麻

為族曾祖父母

謂曾祖之兄弟及妻即太伯公伯婆叔公叔婆

為族伯叔祖父母

謂祖之同堂兄弟及妻即堂伯公伯婆叔公叔婆

為族父母

謂父之再從兄弟同曾祖者即族伯伯嫂叔叔嫂

為族兄弟及族姊妹在室者

謂三從兄弟姊妹同高祖者

為族曾祖姑在室者

謂曾祖之姊妹即太姑婆

為族祖姑在室者

謂祖之同室姊妹即堂姑婆

為族姑在室者

謂父之再從姊妹即族姑

為兄弟之曾孫

女在室同即曾姪孫

為曾孫玄孫

為同堂兄弟之孫

女在室同出嫁則無服

為再從兄弟之子

女在室同即同曾祖兄弟之子

為從祖祖姑及從祖姑及從祖姊妹之出嫁者

從祖
祖姑

謂祖之親姊妹從祖姑父之同堂
姊妹從祖姊妹已身再從姊妹

為兄弟之孫女出嫁者

為同堂兄弟之女出嫁者

堂姪
女

為乳母

為舅之子

為姑之子

為兩姨兄弟

為外孫

男女同

為婿

為妻之父母

妻亡而別娶亦同妻之親母雖嫁出猶服

為兄弟孫之婦

為同堂兄弟子之婦

為同堂兄弟之妻

為外孫婦

為甥婦

婦人為夫之曾祖高祖父母

為夫之從祖祖父母

即夫之祖親兄弟伯公伯婆叔公叔婆

為夫之從祖父母

夫之堂伯叔

為夫兄弟之曾孫

為夫之同堂兄弟

為夫同堂兄弟之孫

孫女同

為夫再從兄弟之子

為夫兄弟孫之婦

為夫同堂兄弟子之婦

為夫同堂兄弟之妻

為夫同堂姊妹

在室出嫁同

為夫之外祖父母

為夫之舅及夫之姨

為夫之從祖祖姑及從祖姑在室者

從祖祖姑是夫之姑婆從祖姑

是夫之堂姑

女出嫁為本宗從祖祖父母

即伯公伯婆叔公叔婆

女出嫁為本宗從祖父母

即堂伯堂叔

女出嫁為本宗同堂兄弟之子女

即堂叔堂姪女

女出嫁為本宗從祖祖姑及從祖姑在室者

從祖祖姑即祖姑

妻從祖姑即堂姑

女出嫁為本宗同堂姊妹之出嫁者

為人後者為本生外祖父母

明會典卷八十九

欽定四庫全書

史部

明會典卷九十五

詳校官編修_臣裴謙

編修_臣程嘉謨覆勘

總校官知縣_臣繆琪

校對官編修_臣饒慶捷

謄錄監生_臣姚希慶

欽定四庫全書

明會典卷九十

禮部四十九

喪禮一

大喪禮

洪武三十一年遺詔

一天下臣民令到出三日皆釋服嫁娶飲酒皆無禁
一母發民哭臨宮殿中當臨者皆以旦晡各十五舉哀

禮畢非旦晡臨母得擅哭

一當給喪事及哭臨者皆毋跣經帶母過三寸無布車兵器

一諸王各於本國哭臨不必赴京中外管軍戍守官員毋得擅離信地許遣人至京

一王國所在文武衙門官民軍士今後一聽朝廷節制護衛官軍王自處分

一諸王不在令中者皆以此令比類從事

本部議奏事宜

一在京五府六部等衙門官員聞喪次日各易素服烏紗帽黑角帶赴內府聽宣遺詔畢於本衙門齋宿素服朝晡詣几筵哭仍各置孝服至第四日成服朝晡哭臨至葬畢而止仍自成服日為始服孝服二十七日而除其命婦亦於第四日各具孝服由西華門入哭臨不許戴金銀首飾

一諸王世子郡王王妃郡主內使宮人等俱服

斬衰三年自聞喪第四日成服為始二十七月而除凡臨朝視事素服烏紗帽黑角帶退朝服衰服

一官員麻布大袖圓領衫不緝邊麻布帽就用所戴帽以布裹之仍垂帶麻腰經麻鞋

一命婦麻布大袖圓領長衫麻布蓋頭

一明器行移工部及內府司設監等衙門成造照衣生存所用鹵簿器物名件

一作神主用栗木為之制度依家禮

一差行人齎捧遺詔前去各布政司并直隸府州衙門開讀
一在外大小衙門文武官人等詔書到日素服烏紗帽黑
角帶行四拜禮跪聽宣訖舉哀再行四拜禮畢仍各置孝
服至第四日成服為始每旦率合屬官僚人等於本衙門
朝闕設香案哭臨三日而除

一在外大小衙門各令官一員赴京致祭所用香燭祭
物本部備辦

永樂二十二年遺詔喪服禮儀一遵太祖皇帝遺制

本部議奏事宜

一宮中自皇太子以下成服日為始服斬衰二十七月而除親王世子郡王及王妃世子妃郡王妃公主郡主以下聞喪皆哭盡哀行五拜三叩頭禮第四日成服斬衰二十七月而除凡王親事素服烏紗帽黑角帶退服哀服服內並停音樂嫁娶其祭祀止停百日

一在京文武官初聞喪素服烏紗帽黑角帶明日清晨詣思善門外哭五拜三叩頭退各置斬衰服於本衙門

宿歇不飲酒食肉第四日成服具衰服詣思善門外朝

夕哭臨三日又朝臨十日

供熙後朝臨七日

各十五舉聲成服

日為始服衰服二十七日凡入朝及衙門視事用布裹

紗帽垂帶素服腰經麻鞋退服衰服二十七日之外素

服烏紗帽黑角帶二十七月而除聽選辦事等官服衰

服監生吏典僧道人等素服以成服日為始皆赴順天

府朝闕設香案朝夕哭臨三日又朝臨十日

洪熙後朝臨七日

各十五舉聲仍各素服二十七日而除文武官命婦聞

喪第四日各服麻布大袖圓領長衫麻布蓋頭清晨由西華門入哭臨三日命婦去金銀首飾素服二十七日凡音樂祭祀官員軍民人等停一月軍民素服婦人素服不粧飾俱二十七日

一在外俱以聞喪日為始令到日之文武官員素服烏紗帽黑角帶行四拜禮跪聽宣讀訖舉哀再行四拜禮畢各置斬衰服於本衙門宿歇不飲酒食肉第四日成服每旦率合屬官僚人等服衰服就本衙門朝闕設香

案朝夕哭臨三日又朝臨十日

洪熙後無朝
臨十日禮

各十五舉

聲成服日為始服哀服二十七日衙門視事用布裏紗
帽垂帶素服腰經麻鞋退服哀服二十七日後素服烏
紗帽黑角帶二十七月而除文武官命婦聞喪素服舉
哀三日各十五舉聲去金銀首飾素服二十七日而除
軍民男女皆素服一十三日凡音樂祭祀官員軍民人等
並停百日男女嫁娶官員停百日軍民停一月

一在京文武官孝服每員官給麻布一疋自製四裔使

臣工部造與孝服諸王公主遣官及內外文武官員人等詣几筵祭祀者光祿寺備祭物翰林院撰祭文引赴思善門外行禮各處進香官辭歸者諸王公主所遣臨期司禮監請旨給賜其方面官與路費鈔二十錠餘十錠

一京城聞喪日為始寺觀各聲鐘三萬杵禁屠宰四十
九日

一上尊謚儀前期三日齋戒前一日遣官祭告天地宗

廟社稷如常儀是日內侍官置冊寶輿于奉天門捧冊
寶置輿中皇帝具哀服詣奉天門內侍官舉冊寶輿導
引官導皇帝後隨降階陞輅百官序立金水橋南北向
俟冊寶輿將至皆跪冊寶輿過畢輿隨皇帝後至思善
門外序立北向皇帝降輅冊寶輿由中門入至几筵殿
丹陛上導引官導皇帝由左門入內贊唱執事官各司
其事導引官導皇帝就丹陛上拜位捧冊寶官捧冊寶
由左門入至几筵前分左右立北向導引官奏四拜皇

太孫親王皇孫陪拜丹陛上百官陪拜思善門外內贊及鴻臚寺官同時傳贊四拜畢導引官導皇帝由殿左門入詣大行皇帝神位前奏跪內贊及鴻臚寺官傳贊皇太孫以下及百官皆跪奏進冊捧冊官跪進冊于皇帝之左皇帝受冊獻畢授捧冊官置于案奏進寶捧寶官跪進寶皇帝受寶獻畢授捧寶官置于案奏宣冊宣冊官跪宣冊于皇帝之左畢奏宣寶如宣冊畢奏俯伏興平身四拜傳贊亦如之奏復位導引官導皇帝由殿

左門出就拜位奏四拜傳贊同禮畢行祭禮導引官導
皇帝詣几筵前就拜位奏四拜畢奏跪獻酒畢贊讀祝讀
祝官讀畢亞獻終獻禮並如初奏四拜傳贊並同畢導
引官導皇帝由左門入詣神位前捧冊寶授內侍官捧
入導引官導皇帝入內置冊寶畢奏叩頭畢導引官導
皇帝由左門出至丹陛上奏禮畢傳贊同導引官導皇
帝還宮

一二十七日以後皇帝服素冠麻衣麻經臨朝退仍衰

服

一葬祭等儀發引前三日行奏告禮百官預齋戒三日遣官以葬期告天地宗廟社稷皇帝哀服告几筵皇太子親王以下皆哀服隨班行禮是日後百官哀服朝

一臨至發引日止京師內外禁樂至祔祭日止禁屠宰至葬畢日止發引前一日遣官祭金水橋午門端門承天門御橋大明門德勝門清河橋沙河京都應祀神祇并經過去處應祀神祠是夕設辭奠皇帝后妃皇太子

親王以下皆哀服以序致祭司禮監禮部錦衣衛官提督執事者設大昇輿於午門外依圖式陳設筵儀於午門外并大明門外發引日設啓奠內侍陳設禮饌拜位如常儀內導引官導皇帝哀服詣拜位皇太子親王以下各就拜位贊禮贊四拜奠帛獻酒讀祝四拜舉哀興哀止望瘞禮畢內導引官導皇帝詣几筵殿內稍東西向立皇太子親王以下丹陛上稍東立執事者升徹帷幙等物拂拭梓宮畢內侍徹啓奠內執事官進龍輜于

几筵殿下設真亭神帛輿謚冊寶輿于丹陛上設祖奠如啟奠儀畢內導引官導皇帝詣梓宮前稍東西向立導皇太子由殿左門入立于皇帝之南稍東西向親王以下俱於丹陛上稍東西向立內侍於梓宮前跪奏請靈駕進發內侍捧謚冊寶次捧神帛由殿中門出各置輿內次捧銘旌由中門出執事官升捧梓宮內執事持翼左右蔽梓宮降殿內侍官於梓宮前跪奏請梓宮升龍輅執事官奉登龍輅訖以綵帷飾梓宮執翼仍列左右內侍

繖扇侍衛如儀列舊所御儀仗居前謚冊神帛真亭銘
旌以次而行內導引官導皇帝由殿左門出后妃皇太
子親王及宮眷後隨至午門內設遣奠如祖奠儀進帛
爵讀祝官各隨地之所宜立侍於梓宮前跪奏請靈駕
進發司禮監官率儀衛謚冊寶輿等前行皇帝后妃皇
太子親王以下皆哭盡哀內侍於皇帝前跪奏請還宮
內侍導引皇帝還宮后妃以下俱還宮執事昇梓宮由
中門出至午門外禮官跪奏請梓宮升大昇輿執事官

奉梓宮升輿訖禮官跪奏請靈駕進發司禮監禮部錦衣衛整視葬儀以次前行皇太子親王以下哭送靈駕出至端門外行辭祖禮執事官預設褥位于太廟中香案前梓宮至端門外禮官跪奏請辭祖導引官導皇太子易常服詣神帛輿前跪禮官捧神帛授皇太子皇太子捧神帛輿由廟街左門入至太廟褥位跪置神帛于褥興皇太子正立於神帛後贊禮贊跪皇太子跪禮官跪于皇太子之左奏太宗文皇帝謁辭禮官興贊禮

贊俯伏興皇太子俯伏興贊五拜三叩頭禮畢皇太子
跪捧神帛興仍由廟左門出至輿前以神帛授禮官禮
官跪受神帛安奉輿中訖跪奏請靈駕進發皇太子仍
喪服親主以下隨行梓宮由承天門大明門中門出皇
太子親王以下俱由左門出步送至德勝門外騎送至
陵在途并至陵俱朝夕奠哭臨諸王皇親駙馬公侯伯
及文武百官軍民耆老四品以上命婦以序沿途設次
致祭祭畢文武官不係山陵執事及分送者并命婦耆

老悉還大昇輿行緣途每程預設校尉舁送選委內官同錦衣衛官專一提督務在起止有節行步安徐緣途宿頓之處預先搭蓋席殿仍量蓋席房以貯儀仗等物至陵執事官先陳龍輜于獻殿門外俟大昇輿至禮官詣大昇輿前跪奏請靈駕降輿升龍輜詣獻殿執事官奉梓宮升龍輜由中門入皇太子親王俱由左門入詣獻殿安奉訖諡冊寶等輿仍陳於前行安神禮執事陳禮饌如常儀設皇太子拜位于梓宮前內侍導皇太子

詣拜位贊四拜興贊跪奠酒讀祝俯伏興贊四拜舉哀
興哀止贊禮畢親王以下陪拜如常儀遣官祀后土并
天壽山俟掩玄宮設遷奠執事官陳禮饌如常儀設皇
太子拜位于梓宮前內侍導皇太子詣拜位贊四拜興
贊跪奠帛奠酒讀祝訖俯伏興贊四拜舉哀興哀止望
座親王以下陪拜如常儀退將掩玄宮內侍導皇太子
親王以下詣梓宮前跪內侍奏請靈駕赴玄宮俯伏興
執事官升奉遷梓宮入皇堂安奉訖內侍捧諡冊寶置

于前陳列明器等畢行贈禮執事官陳禮饌于皇堂門外奉玉帛安置于香案前設皇太子拜位于前內侍導皇太子詣拜位贊四拜興贊跪贊奠酒贊進贈執事官捧玉帛跪進于皇太子之右皇太子受玉帛獻畢以受內執事捧入皇堂安置訖贊俯伏興皇太子俯伏興贊四拜舉哀興哀止贊贈事畢內侍出遂掩玄宮掩畢行享禮于玄宮前如遷奠儀遣官祀后土及祭天壽山掩玄宮將畢內侍設香案于玄宮門外陳禮饌如儀設題

主案于香案前西向設皇太子拜位于前北向內侍盥
手出主于案上題主官盥手西向題主畢內侍奉主置
于神座藏神帛于箱中置其後內侍跪奏請太宗文皇
帝神靈上神主奏訖贊四拜興贊跪獻酒讀祝俯伏興
贊四拜舉哀興哀止內侍啓櫝受主訖跪奏請神主降
座升興奉神主升靈輿至獻殿上內侍跪奏請神主降
輿升座奉神主即座訖行初虞禮執事官陳禮饌于神
主前設皇太子拜位于香案前內侍引皇太子就拜位

贊四拜興贊行初獻禮贊跪皇太子跪奠帛奠酒讀祝
畢俯伏興亞獻終獻贊四拜舉哀興哀止望瘞禮畢內
侍捧神帛箱埋于殿前屏處潔地焚凶器于野葬日初
虞柔日再虞剛日三虞後間日一虞至九虞止在途皇
太子行禮還京皇帝親行禮神主啓行將還內侍於神
主前跪奏請神主降座升輿還京奏訖俯伏興於靈座
上奉神主升靈輿進行儀伏侍衛如儀皇太子後隨在
途仍朝夕奠神主還京先於城外置幄次錦衣衛教坊

司備鼓吹不作百官哀服奉候城外神主至入幄次百
官序列於前行五拜三叩頭禮畢俟神主進行百官後
從至午門外儀衛等退導引官導皇帝哀服奉迎于午
門內神主至舉哀步導神主升几筵殿內皇帝立于殿
上稍東西向內侍于靈輿前跪奏請神主降輿升座奏
訖捧神主安奉于靈座訖行安神禮執事官陳設如常
儀內導引官導皇帝詣拜位奏四拜興奏跪奠酒讀祝
俯伏興奏四拜舉哀興哀止奏禮畢皇太子親王以下

陪拜如常儀百官於思善門外隨班行禮傳唱如儀明日百官行奉慰禮虞祭內侍陳禮饌拜位于几筵前如常祭儀內導引官導皇帝衰服詣拜位皇太子親王以下衰服各就拜位行四拜禮初獻奠帛獻酒讀祝亞獻終獻贊四拜舉哀興哀止望瘞禮畢卒哭用虞祭後剛日禮同虞祭自是惟朝夕奠祔享用卒哭之明日太常寺陳設禮饌于太廟如常享儀樂設而不作設儀衛繖扇于午門外內侍官設皇帝拜位于几筵殿上進御輦于

殿前丹陛上內導引官導皇帝哀服詣拜位贊四拜舉
哀興哀止立於拜位之東西向內侍詣靈座前跪奏請
太宗文皇帝神主降座升輦詣太廟祔享奏訖內侍捧
神主由殿中門出安奉于御輦內侍執繖扇侍衛如儀
至思善門外皇帝易祭服升輅後隨至門外儀衛繖扇
列于太廟南門外之左右導引官導皇帝詣御輦前贊
跪皇帝跪太常卿跪奏請太宗文皇帝神主降輦詣太
廟祔享奏訖贊俯伏興皇帝俯伏興導引官導皇帝捧

神主由左門入典儀唱樂舞生就位執事官各司其事
至丹陛典儀唱太宗文皇帝謁廟內贊奏請詣神主前
至廟前內侍捧神主置褥位朝于北皇帝於神主後行
八拜禮各廟俱八拜禮畢內侍捧神主太常卿立壇東
西向唱賜座皇帝搢圭內侍捧神主進于皇帝皇帝捧
神主安于座導引官導皇帝詣拜位行祭禮如時享儀
文官五品以上武官四品以上隨班行禮禮畢太常卿
於神主前跪奏請太宗文皇帝神主還几筵奏訖導引

官導皇帝捧神主由廟左門出至門外安奉于御輦儀衛繖扇導從如來儀皇帝升輅後隨至午門外儀衛止皇帝至思善門降輅釋祭服易哀服隨御輦至几筵殿前內侍於輦前跪奏請神主降輦升座內侍奉神主升座訖內導引官導皇帝由殿左門入行安禮禮如前儀禮畢皇帝釋服還宮明日百官素服烏紗帽黑角帶行奉慰禮

一大祥奉安神主神座儀物于太廟前一日遣官祭告太

廟至日上祭告几筵殿皇太后皇后以下各祭一壇王府遣官共祭一壇在京文武官員共祭一壇

一禪祭遣親王詣陵行禮

洪熙元年遺詔山陵制度務從儉約喪制用日易月皆以二十七日釋服毋禁嫁娶音樂在外親王藩屏為重不可輒離本國各處總兵鎮守備禦重臣及文武大小官員亦毋擅離職守聞喪之日止於本處朝夕哭臨三日悉免赴闕行禮其本部奏議事宜自聞喪日為始不

鳴鍾鼓在京禁屠宰十三日諸王世子郡王及王妃郡主以下並遵遺詔喪服二十七日而除既上尊謚禮畢乃頒詔是日百官素服烏紗帽黑角帶先俟于承天門外上翼善冠素服黑角帶御奉天門執事官入行五拜三叩頭禮鴻臚寺官奏請陞殿鳴鞭訖序班設詔案尚寶司用寶畢鳴讚唱請頒詔以詔授禮部官置于案序班舉案由左門出用傘導至承天門文武百官先行四拜禮平身贊禮稱有制百官跪聽開讀訖再行四拜禮

禮畢百官以次出祔廟後上仍素服御西角門視朝遇時享等禮太常寺奏祭祀其日早鳴鍾鼓上始服黃袍御奉天門視朝時享畢仍素服御西角門視朝至禪祭後始釋素服

成化二十三年大祥以後儀前期三日齋戒前一日遣官詣太廟行祭告禮用祝文至日侵晨設酒果於几筵殿設神主輦一冊寶亭二于殿前丹陛上上服淺淡服行祭告禮畢司禮監官詣几筵殿前跪奏請神主升輦詣

太廟奏訖內侍捧神主冊寶俱由殿中門出安奉于輦
及冊寶亭內侍擎執繖扇侍衛如儀上隨行至右順門
上易祭服升輅後隨至午門外儀衛繖扇導至廟街門
內儀衛繖扇分列于太廟南門外之右上降輅司禮監
官導上詣神主輦前贊跪上跪司禮監官于上左跪于
神主輦前奏請神主奉安太廟奏訖贊俯伏興上俯伏
興導引官前導內侍捧神主冊寶前行上後隨由中門
入至寢廟奉安訖上叩頭興導引官導上由殿東門轉

至丹陛上祭祀如時祭儀樂設而不作用祝文文武官具祭服隨班行禮祭畢上仍祭服升輅詣武英殿前降輅升几筵殿奉迎神位內侍舉神位亭前行由中門出上升輅後隨由思善門入至奉先殿門外上降輅司禮監官導上詣神位亭前贊跪上跪司禮監官于上左跪于神主亭前奏請神位奉安奉先殿奏訖贊俯伏興上俯伏興導引官前導內侍於亭內捧神位前行上後從由中門入至奉先殿奉安訖上叩頭興就位行祭告禮用

酒果用樂用祝文至禪祭免朝一日擇日遣官詣陵致祭

明會典卷九十

杭州伍子胥廟

稱號與蘇州同

杭州靈衛廟

祀宋錢塘令朱蹕暨金勝祝威二將

杭州鄒詹事徐贊善二祠

祀洪熙宮僚鄒濟徐善述

杭州于少保祠

祀兵部尚書于謙

紹興南鎮廟

會稽山之神

紹興孝女廟

祀漢孝女曹娥後配以宋孝女朱娥

仁和褚公廟

祀唐臣褚遂良

山陰愍孝廟

祀宋孝子蔡定

會稽旌忠廟

祀宋南渡時義士唐琦

嵯縣貞婦祠

祀宋臨海王貞婦

蕭山劉侯廟

祀漢郡守劉寵

蕭山德惠祠

祀宋縣尹楊時及本朝魏尚書驥

嚴州烏龍廟

今稱以本名

金華越國公祠

洪武初祀忠臣胡大海近以按察副使陶成配享

金華正學祠

祀宋儒何基王柏元儒金履祥許謙四人

温州仁濟廟

祀晉郡人周凱

温州忠惠廟

祀宋死事
人徐震

温州忠烈廟

祀宋教授
劉士英

温州忠惠廟

祀宋死事
臣張理

青田誠意伯廟

祀洪武
初劉基

樂清忠烈侯廟

祀唐死事
人田居邨

嘉興陸宣公祠

祀唐相
陸贄

海寧許侯廟

唐忠臣許遠生
於海寧特祀之

江西

南昌忠臣廟

祀洪武初平章趙德勝樞密判官李繼先左副指揮使劉齊統軍元帥許珪右副元

帥趙國昭同知元帥朱潛元帥副使牛海龍千戶張子明張德山百戶徐明總管夏茂江西行省都事葉思成

知洪都葉琛臨海同知趙天麟等一十四人

新淦蕭公廟

祀邑人蕭伯軒及其子叔祥孫天任

萍鄉甘侯廟

祀蕭章太守甘卓

宜春仰山祠

祀宜山二龍之神

廬陵忠節祠

祀宋歐陽文忠修楊忠襄邦又胡忠簡銓周文忠必大楊文節萬里文忠烈天祥本

朝劉忠愍球李忠文時勉

廣信張叔夜祠

景泰中以永豐知縣
鄧顯死節配享祠中

貴溪謝文節祠

祀宋忠臣
謝枋得

饒州忠臣廟

在康郎山祀樞密同知丁普郎張志
雄等三十五人皆國初死戰者

九江崇烈廟

祀元江州總管李黼以其姪秉
昭及義兵萬戶李宗可配享

九江狄梁公廟

祀唐司空
狄仁傑

湖廣

德安淮瀆廟

大淮
之神

武昌昭勇廟

祀孫吳將
軍甘寧

常德陽山廟

祀陽山之神以征南將軍梁松配享

道州周濛溪祠

沅州英顯廟

祀唐刺史林公

沅州顯應廟

祀明山之神

長沙洞庭廟

祀洞庭湖龍神

湘陰黃陵廟

祀舜二妃

湘陰屈原廟

今稱楚三閭大夫屈原氏之神

衡州南嶽廟

衡山之神

岳州謝晦廟

今稱宋荊州刺史謝公之神

澧州彭思王廟

祀唐刺史李元則

沔陽馬侯廟

祀漢新息侯馬援

沔陽諸葛武侯祠

寶慶賀叅政祠

洪武初叅政賀興隆死事立祠祀之

龍陽潘將軍廟

祀孫吳潘太常濬

龍陽張將軍廟

祀漢將軍張飛

四川

成都江漬廟

大江之神

成都三守廟

祀蜀郡太守秦李冰漢文翁宋張詠

成都先主廟

以諸葛武侯配享

合州鄉賢祠

舊有祠後增祀宋守臣王堅及安撫使張珏

潼川旌忠廟

祀南唐東川節度使夏魯琦

馬湖顯應祠

以元人于法之神著靈彼土祀之

龍州李龍陽廟

州人李龍遷仕梁有功德今稱梁龍陽李公之神

福建

福州靈濟宮

祀南唐徐知誥知訓兄弟

候官麻刺王饗堂

永樂間麻刺國王入貢卒于候官賜謚康靖今歲祭其墓

建寧靈通廟

祀唐京畿令謝夷甫

建安朱子祠

以文肅黃幹文簡劉燭文正蔡沉文忠真德秀配享又徽州亦有祠

將樂道南祠

祀宋儒楊時

延平威寧廟

祀五代閩將劉璵

延平顯惠廟

祀隋汀州刺史穆肅

延平旌福廟

祀宋將樂令陳據

尤溪忠顯廟

祀宋烈士余望

尤溪忠愍廟

祀宋武節郎趙師櫛

福陽熊去非祠

祀宋儒熊禾

汀州漁滄廟

祀唐銀青光祿大夫樊令

汀州王推官祠

祀景泰中推官王得仁

上杭褒忠祠

祀正統中巡按監察御史五驥及福建都指揮丁泉

廣東

廣州南海廟

南海之神

廣州天妃廟

今山東直隸諸處多有廟不具載

廣州楊都堂祠

祀景泰嘗僉都御史楊信民後以按察副使毛吉配享

南海真武靈應祠

南海忠義祠

洪武初祀南海民關敏

崖山三忠祠

祀宋忠臣文天祥陸秀夫張世傑

韶州張文獻及余襄公祠

祀唐張九齡宋余靖近以唐刺史鄧文進配享于文獻祠

中

肇慶包孝肅公祠

祀宋郡守包丞相拯

瓊州靈山祠

神有六曰靈山曰香山曰瓊崖曰通濟曰定邊曰班帥今並祭之

瓊州高山廟

祀毘耶山之神

電白高涼夫人廟

祀神高州太守馮寶妻洗氏

電白靈湫廟

今稱以本名

廣西

南寧三公祠

祀宋狄青孫沔余靖後配以邕守蘇軾及推官譚必

慶遠葉叅議祠

天順間府同知葉禎父子同死事贈官歲祀之

雲南

雲南二忠祠

祀洪武間使臣王忠文公禕及尚書吳雲

黔寧王廟

祀西平侯沐英以其子定遠王晟配

貴州

鎮遠侯廟

祀永樂中總兵官顧成

已上在外府州縣

明會典卷八十五